



中江先生全集

藏



崇蘭館集卷之一

雲間莫如忠子良甫著

門人

章憲文校  
楊繼禮輯

五言古詩 四言併擬古樂府附

白雲謠

白雲皚皚知予之來駕言旋歸息乎崦嵫匪眷  
東土實惟子故

穆天子謠

我觴既行汝驂既駕還視我師和洽諸夏豈難  
汝從後余中野

名都篇

翼翼邦畿惟民萃止紫樞正中通位帝紀絳闕  
瑤宮翬飛鱗次多士斯皇九流雜選轂擊肩摩  
日中之市越予小子來觀國光車旗禮噐辟羅  
明堂駿奔在列濟濟蹒蹒抃會率舞樂胥無康  
我明啓祚邁茲昌期祥風協應甘露繁滋皇  
輿求奠百祿攸宜願言矢頌以耀華夷

勗志詩

蟄蟲振翮斥鷃槍榆蛾子時術蒙鳩養愚蠕動  
之微尚靈於族矧伊人斯勗不是勗道若大路  
豈云難知弗思弗求是為棄之燦彼懸黎有如  
明月匪探重淵云何可掇既勤薜蘿乃亦有秋  
鏗而弗舍金石可鏤咨爾庶士若時靡懈冉冉  
馳暉盛年不再朝為蘭若夕為蕭艾不聞聖謨  
寸陰是愛百里之行半於九十累高務崇防落  
務植靡不有初鮮克終卒謂力弗任展也自畫

予生無類長而顛蒙實藉朋友胥匡其聰善具  
是迪慝具是攻司俾踴踴創艾無從人亦有言  
意長畧促怠荒自今其何能淑

贈劔

我有青萍其鐔雄伏求之千金悵弗忍鬻持贈  
夫君道以心曲斬蛟刺犀恣所意欲勿亡延津  
勿埋楚獄永言寶之式如金玉熒熒斗墟精光  
特燭倘俾爾思常著予目

過楚鳳山吟

楚歌易狂有酒盈觴羈人苦寒雨雪其滂憂來  
不飲若濟無梁式歌且舞聊以徜徉駕言行邁  
陟彼高岡臨流吊古喟焉沾裳鳳兮及爾將翔  
將翔青青子衿惠我好音入門覲止孰知我心  
惟山喻高惟水喻深亦又何求托此素琴

上陵

夫君住何許乃在山之陵下津路汗窳隨風躡  
陵兢牽蘅爲余佩駟軒爲余軒羲和爲余策巫  
隆爲余迎我有匣明鏡黃金錯其英欲以貽所

懷晞彼日月明陰霽忽翳之長路阻且傾睠彼  
赤翅鳥滄海以遐征願君億萬壽慰我擊壤情

巫山高

巫山高不極江流逝安適欲濟津無梁中心愴  
以奠故鄉杳何在日斷歸飛翼天長楚澤深相  
思夢魂隔願爲神女雲飄颻近君側

門有車馬客行

門有車馬客麗服耀晶鈎超乘騁意氣九陌恣  
遨遊日暮將安歸名姝列青樓容輝燭綺筵趙

瑟間秦謳哀此窮巷子索居無匹儔鶉衣不掩  
形脫粟恒不周出逢輕薄兒入息但懷憂瞿瞿  
耻無聞歲月忽已適繁華洵爲美名滅同荒丘  
富貴苟在天執鞭將焉求路人徒嗷嗷焉知彼  
所謀已矣勿復陳烈士多苦辛

雉子遊原澤篇贈陸少宰

雉子遊原澤園林非所任飲啄聊自適卑栖戀  
蹄泔仰見黃鵠舉矯矯凌千尋顧慙麥壘雉未  
聆寥廓音伊人秉高介振衣晞山岑屢招乍不

起華組薄秋陰揮手謝三事抱膝獨長吟席珍  
一何貴蓄德一何深大度越千古別有天壤襟  
區區沮溺徒亮節焉足欽

雜詩四首

鴻鴈西北來隨陽卜其宅游鯤順風翔千里振  
矯翮氣焰物所憑歛爾騁逸迹中林有羈禽一  
枝強栖息高雲鏃羽儀暮田不飽食匪必擇丘  
岵爰止聊自適類彼薄遊子踽踽志甘寂回首  
望要津榮名何赫奕軌轍一已殊人心邈焉隔  
去去各有營申辭亦何益

二

曠覽周八埏狷行專一隅豈不異分量志適寧  
願餘朝登南山樵夕返西溪漁綠槐蔭歸路紅  
藻應時敷和歌行或偕獨徃神亦舒窮高怯嶇  
嶽眺遠倦縈紆居卑物靡忤知玄谷恒虛營營  
慕羶子處志多不愉德宅曠弗守末路將何如

三

東家有少女顏姣傾名都令儀曜迴雪轉盼揚

崇蘭館集 卷之一 五  
橫波微蕪澤錦衾七寶懸流蘇明月雙垂錯織  
羅燦華裾盛年嫁高門婉孌侍君闈貞心誓冰  
玉寧惜捐微軀一從去君側空閨守婺孤倏忽  
二十載春秋遞遷徂倚市豈不售媿彼秦羅敷  
千金買詞賦靡曼薄相如棄置昔共然妬寵寃  
名姝所希幸察識匪石誰能渝

四

弭節登高樓俯視郭門外車馬驚脩坳來者日  
皚皚重陰翳朝暎飄風翕然會蓬斷飛天空野  
曠鳴虛籟舉目隔層阿吾將遠行邁欲濟津無  
梁鉛華詎相待豈不戀故丘出門覺途隘已矣  
行路難終然委蕭艾

別侯子舜舉

予乞官南部與舜舉爲別  
舜舉亦云欲乞南賦此

二鳥從南來飄颻隨風翻文采炫朝旭飲啄栖  
上闌豈不惜連枝致身霄漢間晨栖擇爰止暮  
或倦飛還形影當乖離憂來悵無端感君金石  
要永矢相追攀牋題字不滅貽我雙琅玕兩都  
並天造雙闕鬱雲盤江左盛文英遲爾南飛翰

始願終當諧合弁諒非難

送王子汝脩楊子翼少二給諫募兵河南

山東

皇明盛文軌武偃不復張雲中一失險雜虜遂  
縱橫甘泉照烽火穹廬薄城隍遇創殊死走枕  
尸盈路傍登埤賃市傭格猛驅群羊養兵百年  
來國恩竟誰償 天子赫震怒徵發無留良王  
生募臨淄楊子搜大梁千金得猛士桓桓奮鷹  
揚願欲一當百格虜擒名王丈夫四方志徇國

在邊疆無專職青瑣搯腕談慨慷

悼沈叅軍純甫

巖巖大山側有虎當路嵎啞人日不足格者無  
完膚伊人稟忠亮諤諤偉丈夫首非冠惠文法  
乃執金吾借劔於上方志欲剗儉膚力殫勢不  
埒自令投網羅履冰豈不戒大知乃若愚當熊  
豈不斃為君遑恤軀昔我同袍友凋瘵日已多  
秦人賦黃鳥尼父嘆臨河乾坤有正氣兀然障  
頽波傷哉志不就涕泗揮滂沱我欲鳴斯冤天

遠無奈何

公讌詩

南宮啓豐宴獻歲發禎祥  
盛明翊文運肅肅賢  
羅張蘭臺聘時哲坐列金貂行  
叨陪尚書履接席  
晞清光華棖翼紫樞列  
饌盈瓊芳遷鶯度歌  
曲鳴鶴舞迴翔廣樂聆鈞天  
琴瑟間笙簧栝行禮有節  
當懽戒無康逝將秉衡鑑  
爲國揚珪璋吾黨幸與榮  
端午趨踰踰願頌太階平  
永祝皇

圖昌

江上

令節屆清秋江樓啓高宴  
涼颼激空冥重雲覆  
廣衍游響沸絃歌音醴犧樽薦  
波紋漾淪漪山容寫恣情  
清蘭榭擊汰飛疾如躡驚電日入浮暝  
煙望舒忽相禪塗塗霜露零  
蕭瑟寒威淺未懷擊楫人  
飢髒情難遣

遊僊詩

陵茗無冬榮木薺不宿槁  
何如歲寒姿松栢常  
美好矧伊智且靈  
憇不遺壽考羶穠溷  
神明憂

思迫衰老嗜慾尋斧柯榮名喪其實曷不悟前  
期思玄觀道妙離塵解天殳披霞坐長嘯逍遙  
七真間縱浪八維表與化俱無窮下視彭篋天  
千秋旦暮齊學仙苦不早拘拘戀委形靡滅良  
足悼

畏途行九折負轅良獨艱念爾蹙蹙子壞壞不  
言還達人慕高潔冲舉青霞間衆真儼然列皓  
齒燦醜顏銖衣炭雲冠星幢九龍幡素女發雲  
璈金童翼飛軒誰云寡儔侶踽踽謝人寰不闕

高明生訪道入華山一遇安期子餌之九華丹  
白日凌矯翮形影不可攀

徐市無仙骨驅石獨安之漢武稱雄才豈悟文  
成欺仙靈洵何許彼愚徒蚩蚩吾將遠行邁負  
笈尋真師川浮窮委澳巘陟歷崔嵬絅馬登閭  
風稅駕入奄茲夷猶太霞標汗漫八空陟庶幾  
異人遇授我大藥資辛苦二十年欲往還只且  
安得赤龍御長揖與世辭

海虞觀吳公祠

兩儀幹靈運文學在鄒魯裒然二三子含英萃  
中上爰自勾吳來餘風沿左語卓彼間氣豪宏  
朗邁千古負笈遠行遊依歸得尼父斷斷涉泗  
間吾道若大路昭回耿雲漢經緯彌寰宇伊誰  
導斯文流波日南注遂令江介區禮樂紛馳騫  
余本希賢徒未展平生慕桑梓歷遺墟俎豆觀  
章甫再拜景令儀徘徊不能去

出都還寄所知

中歲遭盛明朝榮濫軒冕再入含香班蘭署容

遊衍司存惟豆籩雅好在文翰十載竟何庸一  
命還投遠日暮理寒綈晨興履霜霰前期良阻  
修沿流還陟嶽操觚任所之矜昧聊獨遣平生  
任踈豁虔心寡尤怨量之懼為盈恩深臣承譴  
蘭馥被幽深桂榮厲徂宴羈人懷苦心敢受緇  
塵變勗矣崇令猷為謝當途彥

滄洲城北樓望海

岑構麗城陰䟽櫺抗溟渤凭軒四望開神州渺  
窮髮陽侯鼓怒濤天吳來髣髴浴日乍洞沿驚

蘇詩集 卷之一  
颶俄沸滴膠戾天輪摧馮陵地維缺居卑百川  
滙含虛萬靈窟諒哉造化工精衛勞已竭如何  
巨寰區持將尾閭洩寸鮒浓涓流坎蛙多井滌  
嗤彼夸毗徒沾沾未濡沐

述別一首

繁霜薄秋旻歸鴻歲將暮我征無前期蕭條卽  
長路一與家人辭出門涕如雨匪云行役勞但  
傷居者苦爲養狗微祿我轍不得住朝還燕北  
都夕發江南渚瞻雲起遐思歷坂郤前步浮名

亦何庸絕裾寧不顧曷爲覩余顏媿彼烏返哺  
行行渺川途且焉復延佇安得忘憂花函之寄  
情愫

項王祠題烏江驛壁

周綱解以頽力政橫四海逐鹿走群雄風雲倏  
然會楚跡奮彭城漢圖曜豐沛雌雄互相持兩  
大寧俱在師貞先伐謀道否行開泰追兵集崇  
朝蓋世資何賴轉戰七十餘一蹶俄奔駭誰爲  
艤舟人豈悟田疇給匪騅疲自今當塗失其轡

激楚揚哀音捐此情欣愛縷血汗江流吞聲振  
巖籟廟貌委丘墟乾坤有遺慨惜哉鴻門馘君  
王志何怵格猛踵不旋操鉛斷寧再端今千載  
間紛紛議成敗

余壬子之歲過楚霸王廟題此壁間踰二十  
年已已余從巖卧起為浙右使而粵石洲林  
君大春實視學於浙謂余曰某邇年道江上  
見霸王廟為人跡往來之所前題剝落壁間  
某為特留二日買木數株作欄護之無憾而

後行余知公始此余輾然曰噫士重知已信  
夫余自未交石洲而其用情若是且石洲所  
為余片長錄者僅漫辭爾藉令余善有進於  
是而君得之觀聞所及其為加護以成其美  
又當何如感而因附錄其作

附林學憲作

序云右西楚霸王廟舊題

上頭矣余復為此得無類於  
窺豹之謂耶九月念六日

四壁歌聲起淒涼入楚宮清宵開武帳殺氣  
動長虹壯士泣俱下嬌姬曲未終重圍疋馬

度百騎一朝空澤國身仍健田疇計亦工始  
知非力屈信乃是天窮子第嗟亡北君王耻  
向東霸圖阨垓下遺恨失關中玉斗謀臣怒  
金甌漢將功蒼茫易代後寥落竟誰雄世事  
隨流水乾坤一楚弓諸陵翳禾黍古廟立崆  
峒山色彭城近川原豐沛通惟餘百戰地千  
古尚悲風

岳陽樓登眺

悠悠我行役歷此楚山川崇岡既萃律脩阪何

綿仟驅車倦遵陸稅駕憇臨淵飛薨麗朝景疏  
櫺薄雲煙凭高多所懷曠覽浩無前七澤互吞  
吐五谿相縈纏中流屹孤嶼隱約居聖仙我欲  
從之遊寤寐聆鈞天舟楫不可假騫騰路無緣  
諒乏羽化術耿介何由宣

楚中回車一首

寒冬月當季颼颼晨風翔嚴霜被中野百卉無  
遺芳四郊曠無塵江流但湯湯行役日以疲去  
路阻且長跼爲望赤水迴鴈度衡陽群柯萬餘

里在昔淪鬼方風謠雜雕題皇輿間要荒功名  
詎可邀唱涕辭高堂翻然悟前期返棹涉江湘  
近關道遽瑗峻阪回王陽思玄賦平子不材安  
蒙莊達人貴自我逐物均亡羊壤壤當路子示  
汝以周行歸與歲云暮憂思何能忘

冊几閣

往哲既淪亡斯文亦云斲煨燼羸秦餘蕪漫稗  
官語遂煩博士求按自蟲魚蠹韋絕竟非完璧  
藏並傳誤於爍邁

皇明圖書開冊府海內覩

全經學士爭馳驚典墳倚相諳記載天官署燄  
燄七畧篇犁犁百家著人誇破冢遺家寶鳴金  
賦蹇余椎無聞敏求常好古先世有詒謀微言  
在緗素葆筭百年來玉笈緘如故甲乙更屢讐  
殘闕還時補下帷自髫齡白首成儒腐茂先昔  
徙居載書十車富曼倩奏牘千公車僅能舉量  
之二賢資直比農家諳媿彼金滿籬敢要封萬  
戶庶賢博奕心聊藉操鉛助

再入洛

黃河界南紀洛邑古名都驅車駕言邁瞻望首  
陽阿昨來發春華今至凋霜柯遊者既已倦勞  
者亦已歌回首睠京闕太行嵯以我君門遠萬  
里歲月忽蹉跎浮雲西北馳日暮憂思多

入關

入關此伊始殺函鬱秦都鄧公昔杖策終生曾  
棄符幡幡一耆老屹屹三勇夫閉門謝東顧說  
士揚其謨媿以蓬蒿子緬懷斯人徒揮戈向白  
日緲馬臨路衢行行歷險巖舉世嘲其愚末路

豈無成吾志在桑榆

和曾學憲春日同遊一首

平生性疎豁諧世寡所宜廿年事嘉遯麋鹿相  
與期一行作吏來百務紛纏微對珪意不憚持  
牒力以疲青陽忽改候流光逝如斯驅車偕所  
欽玩物迨芳時出郊騁遐矚草色何離離新禽  
鳴礪中群卉敷華滋亭輝翳圓景天際浮雲馳  
瑤篇互欣賞鉛槧相與携猥以樗櫟庸綽約披  
瑯枝意氣千載要暢然歌莫疑

附曾學憲詩

騁望出郭門褰帷任所之元氣自東豁周原  
曠無涯芳草含客心初綠淡華滋雲山互明  
滅黃鳥時能窺乘春走士女筐筥紛相持古  
意諒在野皇風洵可怡回睇薄領間日夕空  
何爲且得奉高駕頓鞭以逶迤一息如有獲  
將要千載期

贈萬左轄

達人邁熙運肅肅漸鴻儀令聞表三署高節雅

不羈神駒軼群志雕龍掞天姿出牧九州伯表  
儀庶僚師畫熊夾輪轂飛隼驚圻郊旬宣達民  
痼雨露遍膏施政成奏承明借冠綬黔黎翩翩  
振鷺容夙駕還只且會方陟鼎鉉三事待疇咨  
勒銘嵩嶽巔庶以徵遐思

與王子裕飲俞汝成所涇邑王郡伯亦至  
余感違離之久聚會之難口占有云一  
別三十年相見成隔世汝成因續成篇  
余三人各和一首

一別三十年相見成隔世同林感昔分敦好在  
未契出處道未齊歲月俄已逝薄遊類抵觸拙  
守慚魁技行役倦路長銜杯散憂滯杖策偕清  
辰松筠叩幽翳偃蹇山中入彷彿巖下桂隱德  
令彌衍素心此重締何必藉絲竹操音諒無僊  
願卒平生懽深衷繫分袂

附汝成作

一別三十年相見成隔世詎意停雲期適遘  
聚星契遠憶曲江花近覩春原棣方伯來汴

河郡守從涇澁愧予與仲子久作樓遲計聚  
首復何言分袂有餘涕南北東西人吾儕豈  
匏繫忽復感萍蓬依依共延睇願言各努力  
出處俱善詣歷世更三旬重逢攬長袵

武吏部毋畢六十壽

燕趙古名區遺風尚竒節士多任俠聞嬾抱貞  
心烈懿哉閨闈媛清芬蕙蘭茁憶爲君子侑媿  
嬾情欣悅琴瑟鳴以諧喟焉悼中闕茲矢永靡  
他栢舟志方絜茹菘甘若飴匪石堅靡裂豈不

計同歸忍此如綫絕否極通還來岐嶷誕時哲  
婦道既已終毋勞亦云竭送往與卹居斯言兩  
無缺何以樹休聲璇題日行揭居歆鼎食榮秩  
并琅函埒景福介修齡冲融邁耆耄寶婺燭宵  
光瑤池迓朝轍婉彼姑射群形神瑩冰雪遐蹤  
籍仙流德音播朝列圖將海嶽懸誦弁芻蕘擷  
願徵彤瑄編千秋字無滅

玉泉觀魚

揭來鳳林遊還向玉泉憇孤亭面嶽岑靈源泛

清泚遊魚多且嘉五色燦文理望若炫雲霞就  
之辨鱸鮓澆澗互相响差池亦鱗次乍看麗藻  
浮俄若馴波逝曰余久忘筌感物悟觀止樂將  
游衍俱心無去來滯豈乏任公綸腊之適東市  
神物詎可縻安行不驚餌曠彼造化功置之忽  
如棄已矣全其天羨者徒爲爾

同郭左使王大叅二丈泛湖值風雨異常

廻棹賦此

方駕出城隅素心偕所遇暫辭簿領煩覽彼山

川趣是節朱明初林臯景風聚弱羽戲鳧鷗微  
芳展蘭蕙嘉會欣始從冥搜渺然去頓轡依崇  
阿陽舸驚脩渚歛驚氣候移晴陰迥前異原野  
扇狂飈有滄興雲雨四澳決迷禽千巖盡沉樹  
不辨樗壘間焉知寥廓處寒威薄絺綌波濺  
巾履未逢西子憐鼓却陽侯怒榜人不得操客  
子諱相顧媿以鴛駘姿叨陪兩賢御郭公賙王  
公將子無怖懼王公肘莫生慎尔寧其宇行逢  
溪上翁一爲理前語廣我無生言因知達士軌

萬有皆狂華起滅由意慮不觀風波人日與風  
波侶順逆惟所如頽乎日無覩手共承翺閒心  
稿虛舟喻

附王大參作

錢塘帝都會西湖地靈傑天目日夜輪神漢  
滙蒜穴山擁三面螺城孿半方霓謀余長五  
湖斯遊信所闕左相味紫薇右樞和白雪銀  
榼涿宮醪湘滕載珍飶籃輿日駘蕩皂蓋風  
飄瞥稍出清波門楊聲狎啼鳩色界紛送奇

目疲不得說舟子方進篙黃衫浪花擊俄然  
兩高墨頓使萬象溼天咲駭不收塊噫鼓中  
裂穀紋剪破碎鐵冠骨嶺嶼羅刹怒欲翻鷲  
頭奮仍掣此輩逞狂恠西子頰不悅驟雨面  
面來蓬窓時時揭莫君如謝安塵尾手徐挈  
微謂郭長公雖竒泛宜輟仙舟固所慕角巾  
母乃折郭公笑王生此變爲疇設昨夜真宰  
過頗畏靈秘洩袖君斲輪手更卷雕龍古不  
見漢陂行雷雨亦愁絕玉立山未頽鯨吞海

仍竭携與逼暮歸萬燎吐明滅

諸郡公春游登圓智寺以詩見遺和韻作  
君侯多道情自公日休暇省方及春耕言稅東  
林駕冥搜歷崇阿曠覽齊物化偶探方外蹤遂  
理無生話俛仰宇宙間超然空四大別徑轉幽  
深齋鐘近相迂蘿幌肅禪關琅函插高架信宿  
殊有綠胡床爲僧假興闌促歸徒倚杖懸崖下  
微雨變晴陰遙峯矗圖回行詠暢和風垂陰覆  
如厦夕暉散餘霞纖月遙林挂髣髴虎谿還飛

流石橋跨那論五嶽遊縱浪窮岱華

周柳塘郡倅有從圓智寺度鐘買山道中

見村落絕類桃源志喜之作余悵莫從

和韻奉荅一首

武陵楚竒跡君家舊林泉却從剖符處誤覓桃  
花源忽往人境別依依見墟煙簪纓挂羅襪衣  
帶青霞還余本放浪人濡跡滯郊廛因君騁遐  
躅悵望空懷仙

山行

詰旦理輕策冥搜任情性偶窮山水源轉入藤  
蕪徑鷄犬自爲隣嘉禾被干畛珍木無凋柯風  
泉有清聽蘧蘧兩三翁蒙茸髮被頂招我盍來  
乎焚枯具杯茗暢以域外談頗矜山中勝俛仰  
千載蹤欹歔意彌競我聞心泠然遺世若漂梗  
諒哉聖仙徒始悟迷靈境所憂返吾廬滄桑變  
俄頃

曉矚

晞髮山之阿朝光泛朱明群苗鮮遺曜衆禽相

與鳴徘徊騁遐矚冲襟鬱以怍樂此澹忘歸鳳  
歌有餘清意豁內無滯神凝外奚營因思古靈  
智昭曠多遠情楊雄守吾玄莊周達其生睨彼  
人間世栖栖竟何成

對酒偶然作

孰云天地仁斯言哲所疑馳暉徂晏大鈞無  
停機膏沐潤萬物霜露亦已摧營瘁反覆掌衆  
動誰久持以彼亭毒功獨復不憐斯營營勞其  
生僅免渴與饑返者毋乃真來者毋乃疲彭殤  
本同調失路同所期忘憂藉樽酒貧或耻空壘  
飡霞住頽齡遁天吾誰欺那如任情志浮雲隨  
所之無論生與滅至道良在茲

與金文學陸山人約遊君山余後期途遇  
還舫因携復遊

予從君山遊駕言事窮討我行適云後遇子已  
返棹去來互相逾輕舸疾於鳥已復各延住還  
擬共携眺弭檝忽遵麓歷險更窺與與隨地勝  
遙境以神曠妙江流浩湯湯雲樹何縹緲幽磴

鳴珎禽層阿被瑤草一雨潤群芳巖際餘返照  
凭軒澹忘歸踈鍾動林杪

九日同莊進士陸太史二丈宴龍潭佛閣  
芳晏敞東林圓暉在西樹岑閣迥寒潭俯瞰潛  
蚪處佳辰九日臨朋儔偶萍聚聯軒鶩脩垵歷  
覽山川趣緬追昔賢蹤言採登高賦曠懷薄秋  
旻翹羽思冲舉迴軒激層飈蕭然浣煩慮興闌  
坐跏趺還理無生語劫窮千地餘心空四禪喻  
睽彼時菊芳燁如散花雨梵響發崇阿解赴繁

絃會行樂及辰良冥心欣所遇始知靜者蹤俄  
忘醉鄉侶從茲去來頻并與心無住

新葺崇蘭館言適二首

偶然葺斯宇窈窕垂堂陰度廣取容膝爲高不  
逾尋中虛隱昭曠薄帷間幽深小閣俯數廡巡  
檐易窺臨貯水激流泉簞土列遙岑游儵有餘  
樂鳴鶴來遠音蘭茗乍盈把嘉木未成林何以  
延來日素書與瑤琴倦輒欹枕眠醉或據梧吟  
非將恣踈放聊以舒煩襟

索居感節候馳暉逾徂晏始見青陽移復此朱  
明變高槐蔭扶踈圓荷肩清淺別館傍幽葩繁  
香坐來遍一雨几簟清崇朝徑蒙蘚鑿牖支胡  
牀迎風代紈扇軒車日以踈荆扉晝還偃夢寐  
羲皇遊俛仰適所便已矣懷采芝永謝區中羨

夢遊山庄一首

憶違故山遊夢寐在山麓古木入青谿綠源凡  
幾曲蒼莽望始迷逶迤路應熟負杖出荆榛悠  
然憇深竹絕壁四無隣縱橫兩三屋斷斷窓戶  
間白日下麋鹿瞰險石妨墮探叢鳥驚宿乘月  
棹前流披雲嘯空谷耿耿懷昔娛依依暢今矚  
忽覺聞曙鐘虛堂壁篝燭神往形獨牽意長晷  
仍促端倪塵中人曠覽未遺俗

題四皓圖爲沈大叅

落日園綺倫豹隱深山霧長歌行采芝浮雲薄  
珪組人主高其名招之不肯顧智哉畱侯謨蒲  
輪遵蕙路朝野覲容儀裒然成四輔哲士厄嘉  
運握瑜混儔伍出處亦何恒所倚安危故服食

事長生世爲神仙誤何如應休明策勲照千古

絕交篇

古人重交期生死逝共之如何金石要一旦成  
睽攜伐木歌未竟投杼志已疑令終古所難並  
立多町畦郢人不可作惠子寧我知寄言得朋  
者懂懂從爾思

爲郡諸大夫索贈袁太府

中夏變氣候膏雨滛煩蒸土踈草木茂負耒闕  
巖耕倦歸未遑飯閭胥遲中庭鍾鼎不盈篝公

輸日繁興民勞亦已甚卒歲終鮮營入山廿年  
來時事迄屢更所希司牧賢日夕播仁聲忽聞  
易長吏去住關我情遽遽攝衣冠招搖望飛旌  
把酒臨路隅夙駕鶩脩垆惜別既云已睽言返  
柴荆索居良獨難有抱孰與傾憂來不能寐何  
由計昇平

贈別張少府

微薰播清和群芳一以茁感時懷所欽瑤草尚  
堪折喟然愴離筵踟躕乍弭節張旃集群寮煌

煌具時哲疇咨神理方寅恭戒陳列余本放浪  
人投簪窟巖穴珪組幸追攀芻蕘蒙采擷民瘼  
迨詢謀聖謨屢宣說坐每右我冠門或停高轍  
喟焉歎睽携參商間吳越群公互歎嗔予懷愴  
仍烈達人曠前期兒女戀將別願以羔羊篇相  
現代歌闕

漫賦

妾本名家女被服耀明姿中歲奉君子婉孌時  
有宜錦衾懽未畢傍人妬蛾眉逝當遠行邁毋

氏方倚閭因之乞歸寧篤言守空閨罷啟匣來  
鏡慙纓結時雛強顏對綠綺莫緩生別離棄置  
那復道貞亮耿不移

贈李義士仕惠還贛

仕惠與唐進士

卒於途携其婦歸事甚悼吾鄉人義之余故有贈事詳詩中

古道久不振流波日靡漫雲雨反覆掌繫誰障  
狂瀾虔南有高士亮節獨桓桓中歲走東粵挾  
貲冶遊盤傾蓋構所欽金石締交懽把袂一嘯  
歌俛仰天宇寬奄忽厄嘉運中林鏃羽翰永言

間存歿憇不途人看倒囊具含殮携櫬返江干  
艱哉五嶺道駛矣瀟湘湍陟巘降原隰版頸膚  
無完行者勞已竭逝者魄乃安主人逆之野顛  
天涕潺湲碎首謝明恩里巷胥來觀肱篋歸所  
遺手澤勒未刊衆咤客子哲孱然藐儒冠氣槩  
一何雄能爲古所難還珠鬻乘馬青史同不刊  
志將鬼神泣義凜冰霜寒吾景斯人徒擊節起  
長嘆

劉文安公榮哀錄十首

阿保極崇階鴻名詔殊典匪伊功德隆兼茲良  
獨鮮猗與文安公誕起明時彥八座既登庸三  
曹遍更踐崢嶸石渠編紉繹蘭臺獻存沒具哀  
榮 皇情眷彌腆

秩祀國有常隆殺亦異數公抱匡世資所倚安  
危故傷哉愍不遺陟降在茲宇勲將垂鼎彝禮  
合登尊俎秬鬯薦明禋琅函籍天語洞酌漑重  
冥洪波浩如許

嶽降既儲英山頽合藏魄 聖王念耆黎崇封

賁玄宅金錢內府頒秘器東園給綿綿尚書阡  
詵詵省郎役九原不可作宿草春暉易馬鬣臨  
路隅瞿瞿過者式

伊人既遐逝騎箕叩天闈三事已登陟寵渥屯  
未申帝心不憖遺悼往旌貞臣鳳誥騰煒煌  
渙汗一以新遺忠耿無寐幽寘路何因明良德  
終始千載揚清塵

浮生等栖塵不朽在金石君侯邁嘉運揚休樹  
明德歿齒歸今名穹碑表遺蹟宸藻鬱雲蒸

鐫詞屹林立允詒甘棠思寧慙峴山勒巋巋  
道旁聲光耿無斁

微言息已久大雅何寥寥斯文竟誰嗣蛙在群  
然囂卓彼文安公蜚英譽時髦藝苑六十載摛  
詞放瓊瑤撰述屬宗工爾雅追風騷尺牘世爭  
購高名薄煙霄

崇德禮有初祭社文沿古哲人既已淪匪是靈  
焉妥卜宇城西隅平生燕遊處紫巖鬱差峩疏  
樞抗孤嶼子孫既駢羅章縫亦時聚太祝儼司

存溪毛薦行路

世德齒荀陳專經重章杜棣夢盡朱輪蟬聯耀  
金紫遡彼三晉來奕葉芳誰嗣文安既鴻騫後  
先逝鱗次星纏奎壁墟亦聚仁賢里鼎甲籍雲  
仍聞家照青史

式廬景商賢彰善存周道矧伊三物俱興望歸  
元老榮名鏡當年高朗終壽考表儀肅群僚兢  
兢德彌鄧華懷轟高雲璇題揭行曜於以樹風  
聲庶俾來者效

覺序禮教區闕宮閑且雍別營簡儒哲祠事儀  
孔崇公守尼父訓劬奉君終爵匪章服貴賢  
豈鄉閭雄德音遐不渝洋洋被笙鏞盥薦肅端  
甫多士爭趨風

崇蘭館集卷之二

雲間莫如忠子良甫著

門人

許兼善  
盧夔錫輯

七言古詩 擬古樂府附

秋風辭

秋風淒兮霜露零。百卉腓兮鶖鳩鳴。鷺予檝兮  
遨遊。絲管發兮中流。睠京室兮鬱崔嵬。予去此  
兮將安歸。心搖搖兮獨未降。思佳人兮限河梁。

矯予翮兮云徂。又奚懷兮故都。生行樂兮盡有期。老冉冉兮徒傷悲。

易水歌

商歌激烈。易水飛生。劫萬乘。當來歸。

虞姬和歌

侍君幃兮在戰。多出鎧甲兮歸。笙歌君已今兮。

妾安從將九原兮奉君終。

朱鷺

鷺振振河之湄。飲且啄。鳴有時。誰扼其亢魚。嚙

之不食。不吐將何為。茄下非爾托。訾邪非爾儀。局不刷羽。矯矯橫天衢。問諫者。應知之。

戰城南

戰城南。潰城北。矢石交奮。擊壯士。捐軀膏斧質。肉腐不收。烏下食。烏何虐。甘噬膚。觀者頽。感顧謂。烏田有禾黍。水有葦蒲。爾飲爾啄。無已夫。彎弓射烏。還傳肉傷哉。逝者命不續。願為良臣。時已暮。將子為忠臣。忠臣誠獨苦。豪謂之何。死無處所。

悔之晚矣

城上烏有刺

城上烏尾畢逋。一人春十人舖。兢兢下視張網羅。駟僮居間臨大都。股我膏血骨立枯。憑高喑啞聲易呼。聲易呼。千夫廢。一夫噉噉死無處。誰叩重闈上訴帝。懸鼓而攻鉗諸市。

將進酒

將進酒。觴莫停。故歌間揚新聲。擊鼉鼓。吹鸞笙。願君萬壽齊岡陵。將進酒。登君堂。君之臣起賡明良。西有太白連朝光。夜如何。其戒無康歌。有

節德既和使禹良。工何爲乎

君馬黃

君馬黃。我馬紫。並從東道來。牧向天閑裏。君馬服乘輿。我馬行戎壘。服乘輿以南。駕濡如六轡。閑而治。行戎壘以北。駕霜阪。穿蹄沫流赭。南北駕伊邇。去之日千里。九臯逝不作。應誰別離此。

擁離

擁離趾中。信可築宮。既已藝之。蘭蕙芳曷令當。戶不上堂。而與蕭艾同摧傷。擁離趾中。

有所思

有所思乃在天之涯欲往從之路逶迤何以問  
遺金襴綸繚以珊瑚明月珠望君不來何遲遲  
君不來匪有他蹇脩無因將柰何妾欲就君還  
辟易顧見豪豨在君側晨風欲厲鷄犬譁君竟  
不來妾安適蛾眉媚俗俗所輕惟有望君精英  
化爲石

芳樹

芳樹其葉何茫茫結陰華池側其下藉之蘭蕙  
叢凡鳥不恥托惟有六翮來翔鴻何爲乎終風  
忽起搖其枝鴻鵠斯舉鴟梟若之鴟梟乘風惡  
聲疾衆鳥離然成羽翼衆鳥焉知鴻鵠心顧見  
還將腐鼠嚇無何災及焚其巢梟母之肉梟子  
食鴻飛猶能遠繳羅妬人之子愁柰何

上之回

幸回中逶迤複道蕭關通雲之龍百辟從詰朝  
上御甘泉宮觀兵百萬駮六駢月支款塞匈奴  
威千秋萬歲樂只且

聖人出有感作

聖人出六龍乘甘石筮太階平美人會起符昌  
期功含萬寓調四時我我登崇表群辟暱怨疏  
分路訾窄謂艾而張竭山澤鷓鷃韞饑抑不食  
美人美人何由免天子以祚我王國吁嗟乎聖  
人出

筮篥引

公無渡河湯湯其波公前欲渡妾後呼下有習  
坎深莫測鯨鯢利喙食人骨公不妾聽命奄忽  
仰天絕吭妾何及筮篥彈罷歌轉哀含淚含啼  
逝俱沒觀者謂公良已愚妾何敢尤惟殉軀妾  
知戒公不可渡覆轍還尋那自顧

隴頭水

隴水日悠悠征人度隴頭逶迤凌九折朔候邊  
風烈刁斗晝常鳴兜鍪整夜不脫羗兒劫壘帳前  
驕壯士磔人車下裂關河十月蹈寒冰萬死要  
勲出塞行借問艱哉悲蜀道何如度隴戍邊城  
與劉少叅吳表二郎中泛南旺湖湖亘數

崇慶會集 卷之三 五  
十里中有名小蜀山者靈異可賞與三  
君覽涉竟日興寄多奇還爲短歌以識

良覲

蘭橈盪漾春堤轉夾樹飛流纔一線須臾振步  
覓林芳咫尺靈源忽然變萬頃環洲面面奇一  
片平湖淨如練依微遠艇若無人搖曳中流望  
漸真兩兩沿堤遞相續欣然來結煙霞親言是  
洲中捕魚者綸竿日掛汀蘆下相逢爾汝便忘  
形問有酒無來共寫我懷骯髒顧劉郎吳君流

興不可當手招袁子刺船去隨風一瀉凌蒼茫  
蒼茫積水望超越漾碧含青鏡光徹棹歌聲起  
遙震空湖榜皆鳴爭赴節湖半小山尤可憐孤  
峯隱暎高插天聞說飛來由蜀道凌兢恍跋岷  
峨巔山上嵐蒸互明滅山下魚龍時出沒懸崖  
古刹兩胡僧抱樹空巖一啼狖歷險攀危徑屢  
迷落日欲盡崦嵫西起促三君理前棹袁生已  
入煙蕪杳山前覓舟山後來脩然神往那能料  
徘徊興極忘故吾歸途但信投林鳥乍憶入花

還出花回首相看劃然笑問君蜀山遊樂乎對  
酒莫惜朱顏醜古來湮沒何其多

附吳比部一首

春日南遊真可娛盤桓復泛魯門湖誰能邀  
賓遠置酒水監風流馳傳胥呼來小艇四五  
隻首尾繩聯成比翼日麗風清川不波百里  
湖光淨如拭此際劉郎思爽然袁君逸氣殊  
翩翩更有莫兄瀟灑甚手揮玉麈凌蒼煙湖  
裏漁舟亂無數鳥飛只有鳧與鷺東穿汶濟

通徂徠七十二泉暗吞吐蜀山數畝嶢中央  
白石齒齒草木香恍如灩澦江中出不見驚  
濤三峽長山僧徐迎掃松下古殿迴廊藤蓋  
瓦問之似欲隱姓名恐亦當年避秦者同心  
爲樂浩未涯拂石作枕眠清沙謔戲還能鬪  
百草幽懷頗覺聚三花我與袁君倒接鬪山  
前私解酒船維乘風吹笛杳然去直入漁人  
隊裏嬉漁人見客施網罟頃之得魚一尺五  
買魚迴船山後來二君忽見笑偃倭從政十

年無此樂醉眼高歌望寥廓更喜王程寬簡  
書招携尚有江南約

望廬山

我浮沅湘道沔鄂夜宿潯陽江上郭郭外澄泓  
月浸波繁陰一片橫江落乍疑陰山雪半披還  
似燭龍銜火光芒不照崑崙西我驚起視仰攝  
息試就村翁訪竒跡朝從城上望城南云是匡  
廬今始識匡廬山高高入雲千盤萬疊羅錦文  
瀑布空濛相暎帶香爐煙靄時氤氳昔賢已羽

化矯矯離人群黃鶴去不返青猿啼或聞行人  
不道滄桑變却指名山表鄉縣彭蠡西來闕地  
維巨鰲合湧蓬壺獻吳會山川入楚多荆衡遙  
下向牂訶攀危陟險路不極我將何處巢雲阿  
山靈爲我言畏途君莫前只今陶謝風流地期  
爾歸來問白蓮

王喬洞歌

昔日仙人王子喬入山學道此逍遙天邊捨寵  
辭金輅雲外怡情弄紫簫手泥丹竈跡未滅劍

剡飛泉地爲裂。一日瑤臺控鶴遊。長留勝事人間說。窅窅深山春復春。我來還覓洞中人。松關明月懸宵影。玉匣遺編網暗塵。暗塵欲起愁將暮。索向桃花認歸路。林光一道炯然開。回首青山不知處。

同諸君宴集高吏部瑤潭別墅

吏部名園谷水西。良朋三五遙堪携。纔從柳市問津入。忽轉花源愁徑迷。到攀重閣青冥上。裊裊飛梯凌屨杖。雕窓洞啓絕纖埃。往往烟霞獻

奇狀。天外三山巧削成。黛紋一抹前峰橫。種松盡學龍鱗古。放竹纔容鳥道行。瑤潭潭影澄如練。萬頃淪漪寫葱蒨。對此泠然心境開。恍疑縮地瀟湘見。處處窮懽倒接離。風流那數習家池。分曹縱博標爭奪。枕石狂呼醒者誰。起撥蘭橈杳然去。嘈嘈簫管中流沸。須臾屬網得名魚。冰盤饌出銀絲膾。主人愛客能張筵。美酒常拚斗十千。更言近受還丹訣。豈乏黃金供酒錢。主人信賢客亦好。就中兩生尤絕倒。隔谿相送不相

隨別有歌聲動林杪。聞道園花不斷開。看花百遍好。重來。岳潭若比瑤池勝。吾黨應誇七萃才。友人。有報予將結巢雲窩者。賦贈之。

主人欲結巢雲窩。先煩折柬遙謂吾人。間幅窄厭弗處。飄然逸思凌虛。無樓臺豈不足。君所何爲好奇。無已。夫。主人自言吾樂此。天地濶廬聊復爾。洞天小有寧願餘。混沌擊來。差可擬淮南。百尺何爲手。鄴下五層存者幾。雅客惟容一二。曹。彈棋散帙靜無囂。坐來隱隱雙白晰。藐如人。

世看焦僂無梯可接行。高下有木難支影動搖。此中靈境居然別。見說令予神爽越。心驚窈窕八窻虛。夢想差我九峰列。何當携手共登樓。對酒高歌問明月。

松下對酒

古松喬柯倚天半。松下藤花開歷亂。黃鳥群喧栖借枝。騰踏瓊英飛片片。對花命酒及良辰。葉底傳杯笑語頻。相顧只愁芳樹歇。相知誰恨白頭新。主人有酒但斟酌。我能十石爲君醕。眼底

水又水歸

春光不易消。醉來那問花開落。

文泉歌贈楊君

山人住傍虞山麓。雅好圖書常滿屋。自恨操觚  
文未奇。日引泉流浣心目。虞山山泉天下聞。迴  
風噴壑千淙分。飛來乍雜風雷迅。流出還成綺  
縠紋。騰空忽逐驚飈舉。濺入真濛散如雨。侵肌  
撲面寒不禁。眩目怦心咽難語。文泉文泉真奇  
哉。坐對冷然心爲開。興來洒落揮藻翰。直與天  
漢相召回。地靈端合醞奇英。虞仲魯曾聞此避名。

吳公文學邁中古。流芳尚與泉爭衡。山人卜築  
如有意。道心澹泊泉堪比。御風時吸清泠淵。濯  
纓日詠滄浪水。爾祖當年構蜀亭。常甘寂寞偃  
巖扃。青眼人今望吾子。文成須擬太玄經。

梅花帳歌

素練輕勻巧樣裁。墨花妝點亂春開。雙鈎靜掛  
綠窻月。姑射神人何處來。幻出橫斜破烟景。羅  
浮夢遊渾未醒。含嬌侶惜脂粉香。抱影猶憐肌  
骨冷。絳萼瓊英片片真。無端彩筆爲傳神。乍驚

淡古

月殿孤眠處。陡覺冰壺濯魄。新庭下。閒芳誰不掃。無如斗帳。藏春好。蕙帷鶴怨。礪戶寒。翠被鶯聲。江月曉。君不見。漢殿流蘇。飛鳳凰。一百二十羅夜光。又不見。紫綃隱隱。煙霧空。綺䟽雲母盡。翻風名花。祇自供愁絕。夜夜蘭缸。暈微雪。

古藤篇贈朱文學

野田古藤窟叢棘。引蔓垂條幾千尺。左拏右攫。紛蒙茸。虎踞龍驤。驚辟易。緣柯一上一迴盤。猿猱攝息愁相攀。忽墮空中。躡地起。隨風演漾波。

濤間鈎連雙樹尤絕奇。裊如石棧橫飛梯。客來下馬蔭雙樹。還坐古藤行酒卮。古藤信古樹亦老。居人莫辨千齡姿。吁嗟物理各有附。得志青雲假當路。朱生磊落無相知。可惜蕭然守環堵。人言兔絲附女蘿。朝霜夕霰殊榮枯。蓬麻相植理或然。世人那信直如絃。不若古藤寄生喬木。自年年道豈逶迤。與化遷我。酣爲賦古藤篇。君看古藤應自憐。

天馬山歌

駱伊馬切音香  
強裹神子日  
里

注馬瓜切音哇  
水名在陝西沙州  
境內蔡利古得神  
子于比

馬表名馬以組帶  
又調馬表駿子也

廣金集卷之二 一百五十六

天馬由來出西域。驟裹何因至南國。聞道渥洼  
產此奇。牧向天閑自重驛。七寶裝成立仗儀。千  
金比價連城壁。爾時意氣抑何雄。棄置一朝曾  
莫惜。脫銜卸轡溷泥塗。不走不鳴亦不食。我行  
見之一慙然。獨立山頭心悚惕。古今神物本難  
馴。不見秦皇昔鞭石。須臾莫遣五丁嗔。拔却雲  
根去。超軼還言稅駕闌。風巔天長海濶知何極。  
潞河逢朱子。徐言別  
憶昔相逢自彭城。與君聯轡遊帝京。甘泉上書

不得意。長安彈鋏無知名。以茲躑躅返淮甸。高  
情合向貧交見。擊筑悲來有和歌。鳴琴索共知  
音。鮮射湖春深魚正肥。維陽日煖花如霰。到門  
五柳識君家。信宿邀賓幾停幘。薄遊余滯鑿江  
城。千里命駕殊有情。夜舫移樽山月白。秋空搖  
筆江雲生。君懷磊落何壯哉。高才豈合終蒿萊。  
一朝入赴公車詔。驪首還登市駿臺。只今作吏  
懸銅墨。百里絃歌宰名邑。雲川地勝古遺風。一  
棹煙波錦帆疾。躡訪名山願不違。掖垣奏最遲

雲之悉合切音  
報而西之文用  
說柏子云甘泉

崇蘭館集卷之二 三十一

河雲如仰用

未歸莫學丹成滄海別。雙鳧不向帝城飛。

### 小赤壁

憶昔黃州赤壁遊。還向長江溯上流。忽過嘉魚石頭驛。曾探古迹紀千秋。始識黃因赤鼻誤。寓言偶入蘇公賦。當時余目已小之。培壘九峰安足數。雖然縮地來亦奇。嵯峨恠石江之湄。洞門不有靈仙窟。丹鼎藥爐留為誰。

### 雲溪行贈戴憲副

東吳沃野連滄海。萬壑歸流趨渤澥。直疑挽水

澗胡買切音  
蟹渤澥也  
枝  
漢胡反切音  
黃積水池又  
之河以之銀溪  
又子溪字名

接銀潢。洒落重雲相映帶。夫君卜築傍雲間。雲外清溪對掩關。琴書四壁日何事。悠然昭曠怡心顏。萬里澄光淨如鏡。湘潭洛浦蒼梧影。當其窈窕冲融時。去來無著皆靈性。知君樂此意自足。溪與周旋雲與宿。一朝牽組繫鸛班。雲自無心溪自閑。獨有玄情常不改。手携山水披圖在。時從象外擬逍遙。索向毫端摹意態。雅志由來不羨名。每從朝市說遺榮。廿年宦達雲俱薄。一片冰壺水共清。余亦長安留滯者。迹在風塵心

在野功成勒鼎聊待君。何當共卧溪雲下。

送張比部奉勅讞獄江淮

書生自是明經者。偶爲法吏沈金馬。聲譽籍甚動西曹。冠蓋追遊傾洛下。飛文染翰縱復橫。與來掃筆雲煙生。能令尺牘傳好事。予每見之心神驚。計日輶車使南國。啣盃共惜離筵促。麗藻行逢名嶽多。明威并與秋霜肅。共言殷網用三驅。不任刑書却任儒。昨夜斗間看劍氣。遙知幽篴動圓扉。光復江淮舊畿甸。民愚忍向流離見。

知君藝復擅丹青。歸來圖獻承明殿。

贈邊將李意與余同鄉偶逢都下

材官莫是李輕車。曾逐元戎出建牙。竭來奏凱承明罷。逆旅逢人不問家。立語斯須杯暫把。胷中韜畧懸河瀉。還言未縛左賢歸。別余便策驕嘶馬。

送龔子大令慈溪

煙霜日夕沾秋草。蕭蕭落木桑漳道。客子飄然賦遠行。向予握手傷余抱。洛京冠蓋盛追遊。此

崇禎御集卷之三  
地。扳。君。君。不。留。幽。蘭。未。及。同。心。語。明。月。分。爲。兩。  
地。愁。憶。昔。馳。聲。多。士。中。與。君。翫。骸。氣。何。雄。席。上。  
連。城。常。自。許。會。須。一。顧。燕。群。空。憐。君。十。載。栖。幽。  
谷。晚。謁。承。明。還。出。牧。曠。士。寧。論。百。里。才。公。車。詎。  
少。三。千。牘。朝。捧。除。書。出。建。章。蕭。蕭。鳧。舄。指。河。梁。  
商。歌。韻。逐。離。筵。促。墨。綬。榮。分。寶。劔。裝。看。君。顧。我。  
只。自。笑。知。君。蠖。屈。殊。常。調。操。刀。豈。憚。割。鷄。勞。理。  
人。解。識。烹。鮮。要。四。明。地。勝。吏。情。宜。句。章。區。奧。尤。  
稱。竒。雲。生。繡。嶺。彈。琴。處。月。滿。花。潭。載。酒。時。海。上。

風。謚。復。隣。比。出。郭。望。鄉。惟。一。水。卧。治。聊。將。大。隱。  
同。清。時。薦。達。多。知。已。

壽朱封君餘山五十

君。不。見。神。人。之。生。乃。在。藐。姑。射。脩。然。冰。雪。鎔。顏。  
色。逍。遙。海。上。詎。知。年。姓。名。不。掛。三。山。籍。由。來。山。  
靈。不。在。高。金。華。王。屋。俱。蓬。蒿。餘。山。山。餘。一。拳。石。  
翩。然。御。氣。招。松。喬。餘。山。山。人。住。來。久。石。林。茅。屋。  
清。溪。口。眼。看。滄。海。變。爲。田。復。見。垂。楊。生。近。肘。世。  
人。試。問。幾。春。秋。笑。而。不。言。惟。掩。口。向。來。學。道。空。

浩然始覺知非四十九。吁嗟乎山中日月與世  
殊。榮枯千載成須臾。借問春秋逾半百。只今人  
代幾秦餘。

題壁間滄江圖

是誰爲此滄江圖。青天匹練搖虛無。溯瀉沸滴  
勢不極。恍疑萬里來岷峨。西園逸叟吾鄉彦。丹  
青手羨揮毫洒翰決。成川闔石穿雲俄。  
從復橫林墟映帶俱有情寒生  
四壁凜相詫。憑凌欲作秋濤聲。回首金陵遙入

望鳳臺。鵲觀臨高掌。無山不借水。增竒有色皆  
憑空。索鑑白露蒹葭灑。氣侵孤亭天末倚。蕭森  
青冥萬籟聽。逾寂惟有楓潭落葉深。煙霞結侶  
何爲者。蘭橈忽漫中流瀉。不聞牛渚和歌人。應  
是新波泛舟夜。余亦滄洲早拂衣。扁舟昨向五  
湖歸。披圖莞爾心俱遠。白鳥何情亦倦飛。

曝日

天地支離一迂叟。少小窮經成白首。朝來曝日  
倚柴扉。瘦影離離自看醜。恨不當年早致身。歸

無儲糗計常貧。但留故我還元化。牛馬呼從世上人。

送鄉進士張君似軫南還

張生弱冠知名久。文采翩翩後來秀。先達爭聞倒屣迎。英標競出時髦右。片言傾蓋偶相推。問字玄亭頻載酒。子堅負笈意良勤。孝先經筵吾何有。一朝挾策入長安。追群冀北紛馳驟。轅下從來識駿駒。蛟龍得雨俄驤首。相期天路共彈冠。却憶故山還拂袖。渺渺征途到及秋。飄飄衣

錦看行書。閭里應傳題柱名。斑斕喜動稱觴壽。只今待詔滿公車。春風遲爾鶯花候。蹇去當來謁聖明。甘泉有賦須裁就。

迎仙謠賀李封君南臺及楊夫人同壽

人言郢曲難爲和。我歌白雲調尤古。一歌張樂洞庭墟。再歌接宴瑤池圃。方朔先生侍漢闈。金門扈輦沐恩歸。啖得蟠桃佐宸鼎。持將華袞製斑衣。是日求仙到滄海。寰中別有丹丘在。鶴髮龐眉有至人。翛然御氣行塵外。我歌欲闕舞且

酖。仙之下。今鸞為驂。巫隆排雲。帝閣啓。鳳凰銜  
出雙琅函。琅函玉笈。長生語。佩取三山覓儔侶。  
迷花乍入武陵溪。解佩應過漢川渚。家在名區  
是帝鄉。石城京嶺遙相望。靈槎夜發。犯牛斗。尋  
源直與天潢長。樹得瓊枝。遍庭戶。蒙葺輝映桑  
榆暮。荆南真靈定有無。八百春秋詎須數。

贈馮汝言憲使一首

君家兄弟稱聯璧。慚余偶附青雲翮。宴罷看花  
出上闌。朝回緩轡過南甯。當時行樂有輝光。一

旦分為參與商。廿年人事互代謝。天涯不見遙  
相望。相望相見各頭白。却恐形容誤相識。余本  
支離蹈海人。君寧落魄魄。干秦客。竭來偶共縛塵  
冠。豈料巖岨世路難。老馬自知悲道遠。神龍誰  
更惜泥蟠。試將白眼看交態。海內同心幾人在。  
慇懃且共醉離筵。世上功名塵與芥。

觀浙江潮歌

八月秋高灝氣澄。涼飈動壑颯有聲。須臾忽報  
江濤生。飛流噴薄來滄溟。列缺歛燿旬雷霆。雪

款同款字音切音  
勿風可吹吹切

園手宏切音臺  
研司大聲韓愈  
古句然振動如雷

徜徉幸切音羊  
徜徉徒倚之貌  
存邪徜徉以遊也

語以語字天人名  
考其多仙語也  
犁之也也為定  
大字  
辭同諧士革切  
音蹟起也

山推向西南傾。離奇紛詭殊衆形。素車白馬無  
留行。蛟龍鼓鬣虬揚翎。射工伺水雙赤睛。萬艘  
碎易舉國驚。誰與崇者何憑陵。或言烈士含忠  
貞。屬鏤伏劍寃填膺。夜叩司閤訴。帝庭帝為  
震怒驅五丁。徜徉有鬼招未醒。吾今醉爾吊爾  
英。獨不見。勾踐成夫。差薨。鳴夷。蹈海。伯。藍。烹。古  
來萬事皆浮萍。霸業雄圖空復營。又不見我  
明聖主稱中興。波馴鯨海黃河清。梯航萬里揚  
威稜。曷不効順觀平成。語聞響。蒼溘。已靈。狂瀾

欲走鞭還停。流到城隅勢轉平。鄰鄰似織織羅  
輕。冲融倒影相鮮明。落霞片片純錦層。我狂起  
舞酣復醒。劃然拊掌心怦怦。廣陵之觀安足矜。  
枚生辭舌不敢評。

紫雲洞與王大參王僉臬徐圃師同遊醉  
歸有述

紫雲有洞秘靈跡。來到經年今始識。捫蘿得徑  
徑轉迷。擇步紆迴身。欲及洞門石。扇儼中開。一  
線天光炯。然白舉頭睜目見。無前有峽嵯峨。巨

千尺面勢離披似欲傾。萬壘煙霞撐不直。遽思  
還走愁及之。暴足攢眉過仍疾。數武遙聞僕馭  
譁。爭傳別有靈仙宅。洞霄華蓋上孤懸。下可千  
人坦驚石。聳身跌坐真奇哉。恍脫巖墻置衽席。  
四營玉溜凜生寒。石笋嶙嶙間離立。景象從前  
忽復殊。落日虬龍半銜壁。此時逸興誰能當。狂  
呼六博杯如織。披衣束帶意轉慵。醉拚科頭交  
履舄。扶歸忘却出山時。神往冷然猶惕息。

附王大叅鳳洲作

扶居切音厥從  
弦強也  
醜子肖切音醜  
飲海東也曲糵  
長去聲  
者不敵飲

手抉藤封踏斜日。窈窕玲瓏石爲室。幽泉伏  
竇涓不枯。半壁嘘雲氣難出。野夫絕叫稱大  
奇。爲君痛醜三五卮。醉即今宵解衣卧。祇畏  
此中猿鶴疑。

賦得月明千里故人來爲吳山人

西樓月出烏栖時。故人千里遙相思。今夜還逢  
故人至。入門到履楚然喜。明月照人應照心。清  
光此夜看逾倍。流水高山遲賞音。瓊枝晤對忘  
言處。三五佳期缺復盈。會難莫遣別離輕。試問

楚許宮切音智  
介聲莊子少人  
之言楚語也

關山千里思。何如此夜故人情。

題雪上王茂才憶素遺卷

湖濱有賢稱宿儒。壯懷自負凌天衢。當年志苦  
究經史。雲霄入夢空馳驅。終天有恨泣親遠。含  
意何成竟偃蹇。高隱雪溪溪水西。怡神養素甘  
娛晚。傳經欲作濟南生。里中士子爭相迎。安貧  
自得性中樂。營名直等浮雲輕。篝燈教子夜復  
夜。燈滅鷄鳴猶未罷。秋風萬里待雛飛。雛未高  
翔親已化。嗟哉郎君痛轉深。含悲苦憶勤劬心。  
披圖自說恩未報。雪水空流更堪悼。

送蔡明陽補任桂陽

我投簪纓歸白社。東林正喜招陶謝。捧檄君還  
作遠遊。溪上綸竿共誰把。去及江濤八月中。吳  
帆遙掛楚帆風。桂陽卿月開官舍。嶽嶺晴雲眺  
祝融。中郎才本非常調。載縮銀黃一何好。時過  
梓里共啣杯。晤對青山余未老。

崇蘭館集卷之三

雲間莫如忠子良甫著

馮大受校

門人

董其昌輯

五言律詩

江上登天寧寺觀音閣

寶閣鬱岩堯羣峰雪正銷城蕪揚子邑江瀉廣  
陵濤。蜃海看明滅。鮫宮俯沈瀛。欲知人境絕。千  
地出煙霄。

龍潭驛

聞說飛龍邸。龍潭此日過。草腥啗蚊壑。雲起出  
潛窩。驛路懸江險。潮聲到海多。因悲貪涉者。壤  
壤在風波。

公署休沐

退食常多暇。悠然水竹居。據梧觀物化。卧閣檢  
方書。樗散慙能薄。榮名與性疎。亦知兼吏隱。終  
異返吾廬。

遊憇禪房

行路難如此。禪栖好是閒。白雲紆竹徑。清梵偃  
松關。喻法燈明滅。看心鳥去還。遽希遺世網。卓  
錫老深山。

病卧清涼門謝喬景叔同年見訪

秦淮郊卧久。秋氣動檐幃。露重丹楓落。風高白  
鴈歸。乞身憑短䟽。驚節理寒衣。不是憐同病。誰  
能數款扉。

謝病寓城西清涼寺

北闕書初上。南山歸未能。當關稀候吏。問疾有

閒僧名嶽隨雙屐。殘編負一勝。飄然埃壘外。長往與堪乘。

秋夜同蔣大叅宴郊郎中官閣

江上同行役。招携興不違。目凭官閣送心共。嶺雲飛。就日孤帆滅。兼秋衆籟微。坐看纖月吐。林杪動清輝。

附蔣大叅南冷同賦

公堂炯遙夜。華月滿青霄。樓閣盤空迥。關河入望遙。蒼波浩渺渺。碧樹冷蕭蕭。幸接群賢

飲何辭酒一瓢

真州送婦翁楊公還吳

隔江問征路。知返闔閭城。赤舫揚舲去。青山載屐行。到家逢社燕。候館聽春鶯。延首瞻喬嶽。絲蘿無限情。時余已有悼亡之感

觀王藥谷中丞射

野燒秋原曠。言觀騎射遊。控弦驚月滿。鳴鏑眩星流。狂兇躡車避。窮猿抱樹愁。看君矜絕技。應憤未封侯。

江上送客至青山二首

葭菼滿江秋。征帆不可留。青山一為別。碧水恨悠悠。平野蕪城戍。殘煙瓜步洲。因君問歸路。俄起望鄉愁。乘流送歸客。返棹驚清溪。遠岫迎帆疾。前峰出浪迷。雲兼秋葉下。鳥競夕陽西。不醉杯中物。如何慰解攜。

江上王龍溪唐荆川二先生見訪奉贈

曉駕來聯璧。翩翩欵署扉。煙霞蒙道氣。蘿薜學

羶

山衣羶行人爭慕。雕談理鏡微。玄風披拂處。魚鳥亦忘機。

天寧寺訪友不遇雨後偶逢僧話

禪扉踈俗駕。窈窕獨招尋。法雨空中幻。齋鍾定後心。風搖鈴閣度。雲覆石床陰。却笑王猷興。翻將訪道林。

中秋月夜同王中丞蘄谷鄒官洗東郭蔣

大叅南泠三先生泛舟鑿江忽至金山

作

崇慶會集 卷之三  
四  
絲管中流發。空江歛夕霏。月橫天漢寫。帆競海  
濤飛。寒入風醒酒。宵分露濕衣。東林俄在望。雲  
杪曙鐘微。

士論歸三老。懽悰聚一時。偶同牛渚泛。忽與鷺  
峰期。出險驚帆疾。衝寒恠酒遲。獨慙君子侍。莫  
效榜人詞。

同吳峻伯比部沈純甫參軍五日遊射林  
五日出新豐。幽探與偶同。泛蒲臨水曲。解帶就  
花叢。風午鶯聲細。林暄蝶戲通。調弦還射柳。歸

騎綠陰中。

附峻伯詩

共展佳辰賞。言逢霽雨天。開筵細柳下。繫馬  
落花前。鳥喜新來客。苔封舊鑿泉。大平那用  
武。相戲學鳴弦。

附純甫詩

不忍負佳節。相邀出郭遊。誰知馬蹄熟。誤入  
虎林幽。射有垂楊映。杯同曲水浮。何妨擬三  
徑。從此日相求。

重遊射林

閒曹稀吏牘。復此避煩誼。問信驚花落。頻來識鳥言。草深驅馬磧。秋曠射鴈原。誰道觀兵地。翻成日涉園。

戲題雪燈一首

解惜膏蘭質。持將縞素妝。雲封丹鼎候。星射白榆光。就燥寒應歛。溶煙濕不妨。尼珠誰幻出。願假照迷方。

容閒閣為楊水部賦

含香辭省署。息駕向巖阿。案免牽文牘。衣從結芰荷。塵中清夢少。原上白雲多。矯矯冥鴻翼。虞羅奈爾何。

人日

令序迎韶月。欣欣動物華。霧中難辨柳。勝裡忽驚花。攬鏡心猶壯。揮戈日未斜。所嗟聞道晚。端媿此生涯。

禪房小憩偶閱神僧傳

風塵休吏牒。雲木叩禪關。客轉琅函坐。僧搃錫

杖還湧蓮承足下。驅虎出林間。誤識生非幻。翻  
疑空是頑。

春日有懷

開軒坐幽獨。百卉競芬妍。時物佳如此。離愁倍  
黯然。遷鶯啼密柳。膏雨釀重泉。何所無芳草。懷  
人佩可捐。楚詞何所獨  
無芳草兮

沈參軍移居一首

開逕鄰西第。移家賦卜居。門停中尉騎。床積茂  
先書。巢燕窺簷下。栽花繞砌踈。主人能愛客。吾

醉亦吾廬。

問呂沃洲侍御在告

海上移霜節。天邊隔禁扉。望疑駭可御。夢繞隼  
俱飛。玉笈長生訣。玄言杜德機。聖明須獻納。  
莫便解朝衣。

八月十三夜譚鴻臚平橋第同謝四溟山  
人李石麓太史張鳳原給事各賦得材  
字

懸知吏隱地。合共素心來。漫托煙霞契。應慚侍

從材。銀河低捲幔。璧月照行杯。斟酌秋將半。新  
詩取次裁。

客中蚤春有懷

朝日散輕陰。林芳藹已深。澤蘭初試莢。谷鳥未  
調音。遽喜韶光轉。還驚歲序侵。故園瑤草色。應  
解別來心。

代書荅唐大行子迪山中見寄一首

羨爾遺榮早。安貧獨晏如。頻年居鄭圃。長日奉  
潛輿。與世甘爲谷。逃名欲混漁。亦知招隱意。不

是絕交書。

明月引

寶鏡中天寫。水輪大地浮。濯輝高掌露。拂影絳  
河流。古木烏啼夜。遙空鴈度秋。關山聞笛處。誰  
不起離愁。

聞蟬

嘒嘒蟬聲急。將非飲露謀。有冠曾觸法。入鬢總  
驚秋。易聒因風急。難尋爲葉稠。閒窓饒客夢。恠  
爾亦何求。

碧雲寺

香臺何處覓。倚杖躡層巔。出樹凌飛磴。穿階響瀑泉。洞陰扃若戶。林靄碧於天。到切歸依想。無勞更問禪。

功德廢寺二首

功德何年寺。開山紀釋曇。諸天迷宿莽。雙樹網晴嵐。逕掩花空落。壇墟鳥不參。寥寥禪誦侶。穴土自爲龕。

蒼山餘古木。云是法王宮。何物生無滅。寧煩色

喻空。殘經收貝葉。遺梵響秋蛩。吾欲逃禪去。彌高飲者風。

和袁太史休沐見懷二首

冲襟何處寫。休沐下蘭除。攬佩群芳狎。焚香一室虛。服將冠製鷓。心薄帶懸魚。誰識東方子。金門常晏如。

十年淹執戟。誰念老爲郎。問信勞仙吏。緘詩出建章。投來珠未報。題處墨猶香。寂歷蓬扉暮。幽期阻一觴。

附袁太史作

積雨開新霽。空庭暑欲除。雲兼孤鳥沒。天入小堂虛。綵筆慚搏鳳。滄江憶釣魚。時驚傳麗藻。絕似漢相如。

君本青華吏。今爲玉署郎。真詮懸悟乘。逸思妙含章。衣護宮雲綵。毫翻蕙露香。近成金鏡錄。持獻萬年觴。

送省僚朱客部鎮山督學入閩二首

籍甚珪璋譽。同遊媿未如。差池趨省日。磊落論

交初。建隼爲儒吏。橫經擁使車。君行信得意。能不念離居。

閩俗盛儒風。菁莪教易通。屠龍看學試。倚馬羨才雄。鄉路三江外。官程九曲中。文章須世用。知爾薄雕蟲。

同馮冷泉進士及次公汝言少參謝山人

茂秦禪房夜話二首

蓮社逢三益。蘭襟挹二方。由來多寶地。翻作聚星堂。僧榻留雲卧。山樽和菊嘗。况携招隱士。一

任性踈狂。

興逐煙芳遠。相將憇給園。池光兼日瀉。庭卉競  
秋繁。就餉分僧供。繙經晤鳥言。一飯禪寂理。頓  
隔市朝諠。

送李進士北山尹分宜

齊魯多文學。君才早出群。冲襟知韞玉。藻思欲  
凌雲。萬里看遠漸。雙鳧惜羽分。武城弦誦理。好  
去化江濱。

韋錦衣宅宴集鄉同年二首

甲第披瑤席。中林繫玉珂。紛瞻鴻漸羽。重聽鹿  
鳴歌。禮接南宮近。光分上國多。昇平期歲歲。此  
地一來過。

燕市曾招駿。群材感奮庸。看花百輩籍。泛梗十  
年蹤。偶合豐城劍。同聞長樂鍾。飛沉分手隔。茲  
會倘難逢。

庚戌邊警

邊警先秋動。誼誼逼近畿。星傳烽火急。電逝羽  
書飛。飲馬空胡壘。輿尸損漢威。四方無猛士。何

四說原妙

以慰宵衣

與徐吳袁三比部聯舟作

何意南征侶。相携有數公。夜深連席雨。明發趁潮風。名媿應劉似。舟將李郭同。翻嫌鳳城陌。分省限西東。

宿河西務遲吳比部不至曉發有懷

伊人悵何許。野泊望迢迢。明月孤帆隔。停雲一水遙。夜闌催短燭。瀨響問歸潮。臨發逢漁父。慙寄語招。

梁庄春暮見雪

三月梁庄雪。飄颻拂岸斜。非關應寒食。端合競韶華。着柳先飛絮。沾梅後落花。誰憐兔園客。遲晚向天涯。

張湫南發謝沈水部追惠生魚

遠惠嘉魴至。兼程驛騎難。桃花春躍水。玉膾晚充盤。忽引投竿興。遙承接席懽。短歌將報尔。長缺詎須彈。

聊城

濟北爭衡地。遺墟不可知。風雲疑陣影。鼓角動秋悲。一矢論功日。孤城委命時。雄圖共消歇。憤世意何爲。

次東昌感先大父宦跡

雄藩古博平。河潤四郊明。野泊城南市。春疇雨外耕。雉馴停傳路。碑勒去思名。祖德嗟何述。空餘謝客情。

淮陰吊古二首

獵原仍穴兔。釣渚自飛鷗。昔日營高敞。於今共

井。丘歸帆。淮浦月。落葉海門秋。別有英雄恨。堪輕萬戶侯。

太息王孫里。猶傳漂母村。荒祠依古堞。獨樹表衡門。揮霍千金事。淒涼一飯恩。人今兩賢此。難與世情論。

金山寺四首

倚棹寒流外。尋山曉漲前。未論登彼岸。先已渡迷川。汲井濤翻窟。看雲岫吐煙。遠欣塵市隔。堪托靜中緣。

山頂有留雲之額

到海飛流急。回瀾砥柱孤。塵緣窓外斷。色界鏡  
中殊。魚躍朝聞杙。僧歸夜渡盧。坐看漁火集。一  
綬尼珠。

試覓人天界。盈盈水一方。珠林浮作筏。寶塔矗  
如檣。振鐸驚龍卧。安流攝象狂。自今知戒度。寧  
復假慈航。

一望浩無前。空江夕照懸。連山分水脉。遠渚上  
墟煙。影浸菩提樹。光垂寶相蓮。潮聲時到岸。并  
作梵音傳。

巢湖亭四首為王尹留宴賦

昔賢曾洗耳。湖水尚名巢。鏡裏安臺榭。窓中盡  
沈寥。停波連夢渚。飛沫漲江濤。豈必尋箕穎。逢  
奇興可邀。

浴日鏡波明。煙霞逐態生。群峰翻借潤。雜樹遠  
含清。漢水懷捐佩。滄浪詠濯纓。何如招隱地。繫  
我倦遊情。

複岫皆成障。孤亭復面奇。楓陰秋色裡。荷氣晚  
涼時。帶月飛烏鵲。衝波浴鷺鷥。忽忘羈旅迹。一

次

根音風樹高

大

與白雲期。

茂宰勞相重。江臯暮宴開。渚花嬌墨綬。山月照琴臺。離思繁絃急。嚴程擁傳催。襄陽猶在望。先醉習池杯。

桐城題呂公井

廢井不知年。名傳自呂仙。劍鋒離片石。玉溜寫重泉。挈綆和雲汲。流膏助鼎燃。丹成人已去。何處訪真詮。

與楊濟之少府朱鳴虞太史會於漢上三

人皆同鄉賦以識之

太史浮湘日。王祥佐郡年。以余羈旅跡。似有聚星緣。時菊芳樽湛。幽蘭麗藻傳。還同望鄉處。結思楚山川。

漢陽尋郎官湖故跡

昔聞南窟客。到處有逢迎。異代山川在。遺墟草樹平。風疑翻浪起。月似映波明。今日重來者。誰題漢署名。

旅懷

秋氣何蕭索。離心正鬱陶。王程催擁傳。鄉淚積  
征袍。計拙懷三。畝年侵感二毛。親闈無夜隔。始  
覺夢魂勞。

再憲使招同張民部宴漢上玄妙觀登大

別山

窈窕群峰裡。鳴笈叩法宮。星臺聯上客。江漢詠  
流風。釀粒傳松醪。迷花狎桂叢。不窮登覽興。誰  
識禹時功。夏書載大別故云

嘉魚公館在郭外與學宮為隣戲贈二博

色豆詩流  
老及中可小  
做字

儒官貧固爾。誰似兩生貧。絳帳護風雨。蒿宮  
棘。素出無假蓋。里居有絕糧。晨笑我耽玄。甚還  
來上爾隣。

小園漫興

曾乏千頭橘。聊安半畝宮。白雲移枕上。流水韻  
琴中。就石罍孤榼。行畦策短筇。嗒然時對客。不  
語似鴻蒙。

嘉樹林

在鍾賈山九峯一奇也因賦

雙檜何時植。齊梁紀歲來。龍吟風振葉。虬偃石

極  
酒  
行  
人  
種  
極  
子  
於

完廣舍身者之三  
攢芨並幹。搖青漢。分陰卧。綠苔傍人從善譽。不敢借椽材。

拂水巖

虞山臨眺處。拂水日潺潺。噴壑高仍下。隨風往復還。春雷喧石底。晝雪洒松關。不是探奇遍。靈源詎可攀。

惠山舊名九龍山

行盡尋山路。俄披遠俗襟。琳宮千嶂裏。玉井萬松陰。振策凌飛磴。穿雲過別岑。九峯蟠屈處。風

雨或龍吟

江陰小君山

島嶼憑江險。帆檣觸浪來。波疑洞庭接。樓借岳陽開。楚樹連天塹。吳雲鎖帝臺。春申迷處所。日暮嶺猿哀。

陸少宰平泉招同夏司諫陽衢遊白龍潭

禪林各賦二首

共解幽深理。言期汗漫蹤。出雲攀絕磴。倚闌眺諸峰。禪寂餘啼鳥。經聲起卧龍。非因遠公社。誰

檣若良切者成  
船帆柱也又主檣  
浮屠室名

得兩賢從。

策杖探竒遍。燃香燕坐闌。玄言酬物外。清嘯發林間。蘿月疑窺定。松風爲掩關。坐來移永日。彌使道心閒。

贈鑿者

仙客家何在。煙霞晦迹深。茹芝堪代糗。種杏欲成林。日月將壺貯。鉛砂犯海尋。未能遺世去。剩有濟人心。

贈張濟之贊憲還山二首

聞君趨幕府。數月即抽簪。豈乏干時策。終多出世心。采芝青嶂曲。倚棹綠溪陰。平子歸田賦。清風一至今。

委巷居何陋。遺榮道故尊。心輕五斗粟。書撰一家言。雲白垂蘿幌。風疎插槿垣。尊鱸秋及饌。高卧好加餐。

訪客還經山家

山陰歸興盡。停策訪愚公。徑仄苔全滑。林枯葛易蒙。灌畦忘漢械。力稼有豳風。因媿幽深裏。靈

槿  
愧  
槿者謹木槿

源未始窮。

崑山合璧

松小山實古崑山而婁城梁伯龍來與吾鄉諸雋夜集因各賦

彼美荆人璞。由來韞櫝藏。是誰揮利劍。分映兩  
崑崗。並許連城價。雙含徑尺光。會方持照夜。飛  
藻總琳琅。

閒居

卧病返衡門。聊因避世諠。誅茆宜負郭。葺槿已  
成垣。不柰烟霞癖。彌親農圃言。行畦常抱甕。誰  
道懶窺園。

端居寡營慮。獨往謝塵氛。踈懶遲聞道。顛蒙故  
少文。住山諳鹿性。行野狎鷗群。散髮長林下。時  
時醉夕曛。

珪組情逾薄。林泉興復饒。業貧資藝植。生寄信  
漁樵。月下移孤舫。松間掛一瓢。索君非慢世。物  
外可逍遙。

結廬非必遠。屋後亦乘麻。瀑水分畦注。叢篁引  
逕斜。帶經鋤綠野。留客釀黃花。日入荆扉腹。何  
如五柳家。

吳伯材莊元育集崇蘭館風雨忽作少焉

開霽對月志喜

披襟。申契。潤。移。席。傍。藤。蘿。捲。樹。涼。颺。入。鳴。荷。急。  
雨。過。林。踈。雲。掩。映。窓。小。石。差。我。坐。轉。西。樓。月。清。  
狂。向。晚。多。

林居晚興

松。扉。關。竟。日。飲。罷。即。臨。湍。就。月。頻。移。榻。聞。花。暗。  
倚。欄。星。光。踈。竹。裏。籟。響。空。林。端。斟。酌。朝。慵。起。無。  
須。理。箨。冠。

崇蘭館集卷四

雲間莫如忠子良甫著

五言律詩

送錫山施子羽丞海鹽

名漸選貢生文行優著雅與余友善

就選時余嘗以荆川仲山書力言之當通而生不肯往見余亦不欲強之及除目下竟法斯秩信知已之難也

清時宜蚤達遲晚却牽卑為瓠嗟何用懷珎翻

見唾官程臨海嶠別路遶江離今日千金劍無

然耻獨知治事

崇蘭館集卷四

佐邑無嗟屈。甘貧足遠囂。民勤宜斥鹵。壤接辨  
風謠。閭畝輸湖稅。穿渠受海潮。只愁妨吏隱。後  
爾簿書勞。

送內弟富子恒貞落第從師毘陵二首

濩落無嗟屈。青雲未後期。且傾南市酒。莫詠北  
門詩。客路丹楓外。鄉心白鴈時。清才誰不惜。豈  
合數長奇。

明發道毘陵。言趨問字亭。才知優入室。志苦抱  
遺經。侍幄依壇杏。翻書聚案螢。漢廷方貴少。助

矣及芳齡。

入山

共道河清日。吾當守薜蘿。黃金知可化。白石罷  
哀歌。多病思玄甚。無聞柰老何。還嫌婚嫁累。不  
得偃巖阿。

落日

意長輕少壯。垂老但茫然。事着浮雲外。心餘落  
日邊。漫將碁賭墅。翻托酒逃禪。無那多羈候。閑  
窓攪獨眠。

山莊夏晚

村墟帶落日。遠見前林山。啄屋鷄已下。趁花蜂未還。孤煙白水外。涼吹綠陰間。飯罷科頭坐。祇妨人叩關。

次三弘宇憲副韻賦秋晚田居二首

白雲掛西嶺。蒸日忽成霞。獨樹鳥雙下。片帆天一涯。野人雕胡飯。舊業青門瓜。東臯自可悅。隨興返田家。

知君遠行野愛此。沈寥天落日澹流水。秋風催

故年比隣一以訊。饑穰相與憐。茲抱了無滯。農炊方晏眠。

附弘宇憲副詩二首

一鏡寫空色。新晴報晚霞。青冥獨鳥滅。落日盡天涯。傍水偏宜林。東陵舊有瓜。自看明月意。閒照野人家。

萬里眼中盡。白雲連江天。風吹落日暮。人逐東流年。江月稍欲動。寒光清可憐。此意靜無語。還就茅齋眠。

和徐奉化長谷寄題園居韻

幽深未可尋。上築擬巢林。門對孤城僻。庭分衆木陰。小園花易遍。片沼月常臨。忽枉瓊瑤贈。知同靜者心。

附徐長谷詩

高人不可尋。結屋向中林。草樹迷晴靄。溪光生夕陰。藥苗三過採。襖帖幾池臨。愛爾沉冥意。悠然塵外心。

贈衡山文翰林一首

天上辭中秘。人間識少微。諸侯曾擁篲。文學半樞衣。名嶽圖將遍。陽春和者稀。猶龍吾有嘆。此日望清輝。

秋夜城西禪林同莊玄育得花字

祇苑秋逾寂。幽尋興復賒。笑談參佛偈。衣帶惹天花。倚閣諸峰外。移舟一水涯。濠梁今日趣。翻寄道林家。

山庄寒夜携周山人二首

山庄不到久。夕棹訪川源。拍岸寒潮小。攢籬落

葉繁田間。尋古道竹裡認。衡門豈必期農圃。終知異市誼。

茅齋傍水濱。雲木自為鄰。林暝鼯啼壁。垣低犬吠人。焚枯成野餉。藉草代重裯。此味嘗應慣。知君好共貧。

贈沈徵君宜山

是叟知玄芒。踈狂祇見真。病何妨習靜。與不減憂貧。借榻分青靄。留賓饌紫葍。遽遽忘老至。天地一時人。

題董子元龍淵移居二首

避亂移家日。蘅茅背郭營。卜鄰僧梵近。洗耳石潭清。市隱心偏遠。郊居賦已成。園蕪從不理。知有下帷情。

小隱城南陌。悠然寄傲餘。三遷非擇里。一畝即安居。老葍藏山業。貧資種樹書。倘容陶處士。終日過籃舉。

賦徐奉化村居一首

高士幽棲處。蕭條一畝宮。門深芳草逕。窓貯紫

嶺南雜錄卷之四  
霞峰出郭惟招社逢人或話農閒心時獨會  
唵  
眺倚孤松

秋日龍潭禪院同吳山人莊玄育作

龍宮開窈窕與客一躋攀砌菊當筵媚溪雲到  
榻閒寒流深護竹落日遠沉山解得逃禪理何  
妨取醉還

寄懷鴻臚三弟時有太學生二弟之變

遙憶江亭晏依依感去留鴻飛孤唳月木落兩  
驚秋投綬吾將老分珪爾薄遊可堪論急難書

報淚雙流

詠雪

江雪衝寒至霏微遍草堂乍憑風作態寧假月  
為光入竹俄含粉沾梅欲染香還疑鷗鷺伴縹  
渺下銀塘

同諸友過從兄園亭訪陸氏放鶴灘遺跡

偶與朋簪盍言過仲氏園鶯遷林木遍魚唵水  
萍翻郭裏聞樵唱寰中隔市誼悠然感遺事把  
酒說平原

唵

唵

謝顧文學師潛雪中惠畫扇

遲晚人方棄。慇懃見爾情。獨持紈素質。別與歲  
寒盟。坐障驚飈入。光交片雪明。今朝桓胤筆。書  
罷有餘清。桓胤嘗書其友贊  
雪之語於筴故云

贈吳山人之山

恠爾巖栖者。翩翩節俠風。雲霞身不繫。詞賦氣  
何雄。匣劍逢人脫。囊金貰酒空。經年懷敝刺。長  
揖向王公。

期莊張二君山行不至

茲遊憐二仲。汗漫擬前期。明月相望夜。青山獨  
晤時。入林停策久。弭棹出花遲。少別遙成憶。蘭  
茗折贈誰。

附莊玄育

芳時坐離索。心賞寄情人。花事行間好。鶯吟  
聽處新。攀舟遙羨李。縣榻重懷陳。悵及言歸  
日。家山欲送春。

附張月麓

五湖君獨往。三徑我乃留。別夢迷春樹。離心

逐暮流。未尋梅福市。空羨李膺舟。勝迹應題  
遍。歸時好卧遊。

夏日友人莫文學從吳中來訪

悵憶吳關別。清宵夢屢懸。何期素心侶。忽枉孝  
廉船。梁燕向人語。石榴當戶燃。願言消永日。共  
尔竹林眠。

霽景明朱夏。幽期晤白雲。窓紋清展簾。閣暑謝  
迎薰。五岳圖堪載。千金劍許分。看君意何達。猶  
自重離羣。

范方伯招集嘯園分得人字

園林多暇日。洞壑賸藏春。紀勝惟花事。爲曹盡  
酒人。樓開當睥睨。石出擬嶙峋。清嘯凭虛發。悠  
然隔世塵。

玄墓山

循溪攀翠巘。振步躡蒼苔。孤鳥凌波出。飛泉觸  
樹來。石衣蒙葛藟。僧供摘楊梅。太息雄圖盡。千  
秋掩夜臺。

聖恩寺宴天開圖畫閣

梵宇芳筵敞。仙曹清讌娛。到聞宣磬鐸。供出寫  
醍醐。寶閣凌千地。雕窓瞰五湖。巨靈何歲月。山  
水並開圖。

贈黎陽盧山人枏

之子煙霞侶。翩翩逸思翻。按圖尋五岳。倚馬賦  
千言。恩抱玄珠泣。情銜白璧寬。逢人時脫劍。猶  
有俠心存。

和張贊憲期避暑小園作

無地避煩暑。幽栖傍水湄。空林流宿靄。小閣泛

層颺。倦展窓間簾。閑成竹下碁。由來河朔興。偏  
與醉鄉期。

附張西谷詩

溽暑無能避。幽栖憶水湄。山堂臨淶沼。虛幙  
捲涼颺。勝賞非須酒。閒情但較碁。科頭趺坐  
久。思與故人期。

村行

墟里間林塘。原花斷續香。巢雲紆鳥道。堰水圻  
漁梁。居有桑麻業。人多薜荔裳。別成淳朴處。疑

入養鷄鄉

同陸禮部遊虎丘寺

野服乘春暮。雲林索共攀。臺陰雙樹杪。梵響百花間。試劔龍鳴峽。藏經虎抱關。不因陪妙躅。誰得禮名山。

入林採漁竿作和韻

斲杖分龍種。裁簫協鳳吟。亦知蒙采擷。終異托幽深。彼美羊裘子。持綸枉見尋。所期雲水適。永忘得魚心。

初會朱邦憲

吾鄉推士雋。之子籍玄風。志述詩亡後。神存目擊中。輕寒杯泛醪。細雨燭篝紅。良覲今宵倍。通家得孔融。

顧京兆園居二首

經春淹枕席。出郭見園林。紉草聊充佩。臨流洗心。雲垂蘿幌影。竹隱石房陰。到愜幽探意。尋山豈必深。

地隙芳亭構。林深雜樹繁。窺窓容鹿過。度曲有

禽言洞靄藤枝掛。池風荇帶翻。不因尋竹興。誰叩辟疆園。

附陸少宰次韻見寄二首

端居嬰俗鞅。結思在雲林。擬並高人駕。還諧靜者心。屏虛山入坐。徑密樹交陰。彷彿還迷路。幽尋不厭深。

窈窕城隅隱。陰森灌木繁。地偏宜避俗。興愜自忘言。雲砌花陰覆。風堦草色翻。偶來淹勝賞。吾意亦丘園。

春日閑行

倚杖步簷楹。悠然覽化生。藥欄初冒蝶。柳陌乍聞鶯。陰谷回韶律。遊人感麗情。江南春色蚤。處處踏歌聲。

訪成上人。不遇。

一徑鎖筠松。伊人帳不逢。入觀疑有相。出定已無蹤。几淨香留篆。堂虛篋掛鍾。杳然飛錫處。知隔幾雲峯。

過唐行懷周清江山人

谷口來尋處。高情悵憶君。投珠言未報。傾蓋意  
虛慙。野館啼鶯樹。春帆隔岸雲。柴門看漸近。何  
事恨離羣。

悼周山人虛巖

與子神交久。風期阻合弁。藏舟成往事。開卷見  
平生。當戶蘭堪雜。栖塵草漫榮。虞山埋玉處。經  
過若為情。

王憲使陳太史同過小酌有作和荅

放情同傲吏。式燕有嘉賓。惠子能知我。曹子建云特惠

子之知我也。用莊我。揚公本懿親。余與弘宇為親家故引潘楊事。奉荷成  
酌易。擊缶引歌頻。痛飲毋辭醉。俱為澤畔人。

附陳太巖原作

問字因更僕。投壺亦序賓。倚酣歌欲放。相譖  
意彌親。蘭室含風暮。荷筍吸酒頻。濬冲情不  
淺。故是竹林人。

訪李南涓水部新園一首

經春期出郭。暇日叩郊扉。竹徑蕪纒剪。楊園葉  
尚稀。安橋通曲沼。鑿牖斜暉。知爾榮名薄。先

余已拂衣。

出山二首

憶以慈闈戀。回車岳麓年。無因追短日。有恨抱終天。世路還誰假。山樗祇自全。生慙逢聖世。微品亦陶甄。

昭代掄遺逸。弓旌遍海濱。誤開金馬詔。驚却海鷗羣。心動成灰日。身隨出岫雲。慙無青玉案。持取奉明君。

初至洛從萬僚長借公服戲題

紫微參省日。滄海輟耕餘。朝服從人假。程書覺宦踈。濫隨雙建隼。笑綰舊焚魚。衰晚慙通籍。迂頑祇似初。

渡漳沱河

問水樂城北。漳沱始識名。飛流來紫塞。濯地瀉滄瀛。飲馬春冰薄。褰帷曉練明。津亭飯客處。漢將古行營。

鄴城

城邑臨漳水。蕭條故國風。干魚疑葬地。銅雀指

行宮計盡貽謀日。恩留望幸中。當年橫槊意。千古更誰雄。

### 望太行

太行雄朔郡。終古屹如斯。表裏稱天險。東西割地維。山東山西以疏峰雲不斷。絕磴馬堪遲。望心應折愁。聞出塞詩。

同王憲使元美與其弟進士敬美及張山

### 入五岳宴集天寧寺

南郭期高士。東林結勝因。風疎聞梵處。雨過散

花晨。小酌傳趺坐。玄言喻法輪。蕭然成市隱。那更說離塵。

平生耽浪迹。結客任踈狂。酒索僧厨供。棋銷佛日長。入門飯勝相。登塔覽迷方。歸騎何妨晚。尼珠有夜光。

### 少林寺二首

緣源攀絕磴。迤邐入禪林。樹影將潭貯。鍾聲隔院沉。亂鴉殘雪外。斷碣古藤陰。萬籟聽逾寂。寥寥空此心。

三原集卷之二  
暫緩遄征旆。言參大士禪。開山標魏代。面壁記  
梁年。樹長青。經葉簷。飛卓錫。泉西來。無刺語。直  
指一燈傳。

送梁憲使鳴泉之任山西便道歸省

蘭臺馳譽早。薇省策勲多。君嘗以大參行邊關武秋憲俄  
專臬。春風欲渡河。匣隨龍劍去。門向鯉庭過。暫  
着斑襴服。還聽白玉珂。

太行縈別路。分手悵悠悠。按節龍沙月。聞笳雁  
塞秋。東征家莫問。西顧主方憂。開府相知在。

須君幕下籌。

楊中丞夢山在邊君知己也故云

送姜對陽憲副擢苑馬卿之平涼

古涼三輔地。別路未成遙。吏道原同牧。仙曹更  
遠囂。秋風蕃首宿。春酒釀葡萄。青鬢君方競。無  
然戢寶刀。

延安道中即事

原野類鴻濛。寥寥四望空。人家穿穴住。官道鑿  
山通。遺壘孤城戍。荒祠獨樹叢。到知邊候異。暑  
雨沍寒中。

瑤池

瑤池源自別。覓處隔層阿。降母懷遺跡。臨觴起  
和歌。色迷青鳥下。影送白雲多。七萃當年士。還  
誰扈輦過。

與曾確菴學憲言別

相見嗟何晚。斯文今在茲。道將眉睫示。言以肺  
肝披。嶽嶺橫秦望。川源入會稽。風煙千萬里。能  
不悵分岐。

登固原城閱武上王司馬總院

鎮城雄百雉。度隴一奇觀。地扼三邊險。山圍四  
面寒。材官橫玉靶。甲士擁雕鞍。虜戒無南牧。中  
原有范韓。

荆山道中

偶紆名岳駕。陟降歷崔嵬。苦霧林開曉。長空峽  
隱雷。玉橫雙澗落。戟立五峯來。神鼎何年就。龍  
髯遂不回。

余從省下與諸公別。既各有詩見贈及行  
次渭南諸公復有別後贈言一冊追寄

靴

范韓。范仲淹知  
延州大開其澤一為

平人分上將領之

日夜訓練是賦乘

審更出御不敵賊

想其日念以港洲為

意今小范老于後

年有數弟甲午也

伴港者大與紫甲

修保去若按流之通

行坡于足是冠漢相  
歸業  
轉念為京兆尹  
六軍之敵犯相  
謂口是為敵燒  
佛骨何有犯也

途中因為次韻附之還吏

和栗健齋左轄二首

誰伴孤征客。愁心與去旌。昨宵原隰宴。今日渭陽程。詩向頻賡苦。杯從既醉傾。相違各努力。斯是久要情。

聯轡纔分省。驪駒又在門。新知真若故。生別易銜恩。忍作東西羽。堪傷去住魂。誰當既分袂。寄語數加存。

和馮少洲右轄一首

芝蘭原有托。桃李更同門。何意三秦地。俱銜一命恩。易多遲暮感。難返別離魂。兄弟中原少。知今復幾存。

和曾學憲二首

憶自投簪久。辭家強出門。豈知鷄鶩品。亦感稻梁恩。遲晚江淹恨。飄零宋玉魂。天涯勲慰藉。惟有石交存。

已分淮南卧。還停灞上旌。忽如迷客路。不覺緩王程。蘭茝芳俱握。蒲萄酒漫傾。平生無別淚。於

此獨含情。

與張婁二都閫

秦邑稱天險。長城倚數君。留田因寓武。罷戰即  
論文。西第邀賓醉。中原草檄聞。他年麟閣事。願  
爾策竒勳。

和茅鹿門詩二首

為憶青門隱。相將白首歸。心期垂老見。音問隔  
年稀。新草能傳賦。殘荷好製衣。思君烟樹濶。獨  
立倚斜暉。

彷彿曲江春。俱成滄海人。鬢催新點雪。衣浣舊  
淄塵。計拙疑浮瓠。家貧耻負薪。朱門向時客。若  
箇報平津。

附鹿門詩二首

從君乞山後。我亦罷官歸。萬里江湖迥。三秋  
鴻雁稀。雪殘別後鬢。雲綻夢中衣。此夕雙龍  
劍。清秋共落暉。

試問看花伴。洛陽能幾人。鷓行盡凋落。鴈塔  
半風塵。我已甘投壑。君無歎積薪。秋來樓護

輦聞已散平津。

斗門橋夜泊

林薄晚來晴。維舟坐月明。春星低柳岸。賽鼓出  
山城市小。三家褰橋危。一帶橫風。謹聽漸別知。  
向越中行。

同郭左使陳少叅泛湖值風雨大作俄焉

晚晴

湖上風號野沉冥。萬壑殊雲容。全鎖黛雨足。亂  
翻珠尺尺。迷難辨。炎蒸坐頓祛。餘樽移返照。還

似輞川圖

石屋寺

是誰開混沌。翻署法官名。洞豁霞栖棟。峰迴霧  
捲楹。慧光乘晦發。梵響應虛鳴。豈必皈琳宇。方  
知入化城。

弔岳武穆祠

宋祚嗟何及。英雄志已孤。涅膚期盡瘁。喋血誓  
長驅。未得生還主。先將死謝胡。忠魂知不寐。曾  
叩帝閭無。

飛來峰

縮地來瑤島。憑虛積翠微。只疑星乍隕。誰假翼能飛。矯矯龍遺蛻。翩翩鳳覽輝。不知天竺路。為幻幾時歸。

宋御教場俗傳女教場戲題

別館戎裝罷。君王杖鉞看。嬋娟驅荷戟。簪珥解勝冠。宮月隨弦滿。朝雲捲旆寒。中原如有意。應借汝曹難。

柳洲亭二首

落照澄蓮浦。孤面柳洲閣。黎何代跡冠。蓋幾人遊。移榼窺飛鳥。揚舲起宿鷗。坐看漁火集。疑有夜珠投。

層軒開負郭。曲榭遶崇阿。坵水分湖小。褰帷受月多。風條踈振葉。露蓋偃殘荷。歸興煙霞暝。還聞起櫂歌。

詠蓮

芙蓉開水榭。裊裊冒金莖。溥露花逾潔。翻風蓋屢傾。幻疑舌上吐。態似步中生。別有衣堪製。那

言被衮榮。

賀鄭謙山明府生子

聞說充間報。琴堂喜氣盈。政方歌雉乳。慶已兆  
麟生。綽約姿堪把。岐嶷器早成。明珠歸合浦。先  
向掌中呈。

菊月望日借諸君過訪高吏部表弟園居

登樓玩菊。遂携酌過瑤潭。待月而還賦。

此紀勝

元亮幽栖宅。求羊索伴來。藏雲松徑杳。遲客石

門開坐。列羹尊饌。樽浮釀菊醅。登高傳麗藻。誰  
是大夫才。

既成籬下酌。還造水邊居。林籟杯前發。秋光柳  
外踈。明樓斜吐月。深竹暗通渠。昔日瑤池宴。風  
流恐未如。

題萊賓卷贈方士

之子神仙骨。遊蹤遍海隅。到來風乍引。行處石  
堪驅。青鳥迎為使。瓊漿湛作醑。飄飄定何日。長  
揖謝人區。

王憲使鳳洲麟洲昆玉見訪山中留酌遂  
造龍兒讀書所二首

今朝來重客。何異握雙珠。作供烹山茗。容車掃  
徑蕪。小樓登竹裏。別館步城隅。借問茲遊興。山  
陰得似無。

名嶽探奇侶。清時擅藻才。通家交父子。委巷訪  
蒿萊。白雪翻成調。黃花取佐杯。慚非朗陵第。漫  
枉二方來。

洛中劉生以謝茂秦書來訪比別賦贈二

首

一自滄江卧天涯。信問踈何來。遠方客忽枉故  
人書。朔雪長河鴈。秋風震澤漁。非君通憶夢。何  
以慰離居。

之子意翩翩。三河俠少年。豹韜平世戢。龜策異  
人傳。好客無崔瑗。憐才媿茂先。莫嗟歸計薄。知  
有洛陽田。

上巳日同諸公郊遊各賦二首

踈雨過春城。郊原景倍明。黛橫山遶郭。綠暗柳

藏鶯蘋渚停橈坐蘭皋結佩行江南自有樂非

必歲時情右秀野塘

偶逐尋芳興翻成不住蹤閣凌千地出人比七

賢從曲水疏龍藏崇山表鷲峰本來無垢穢非

敢抗塵容右龍潭禪

### 舟行苦旱偶作

入夏常無雨炎氛異往年火雲流亢日赤地稿

連天愁劇三農望貧懷二頃田桔槔聲徹且倚

棹不成眠

### 送張山人還越一首

把酒聽離歌無如歲晏何客衣江上薄鄉路雪

中多鴈嶺標天柱龍湫瀉鏡波欲窮靈跡去從

于卧煙蘿

### 因張山人寄懷侯二谷吳寤齋二丈一首

所思成越絕仙嶠渺滄瀛宅近浮丘結山高綺

夏名三朝歸士譽四海頌河清信美懷連壁能

無獻主情

### 同王憲副弘宇馮山人萬峯夜泛黃龍浦

薄暮棹孤舟歸潮咽渡頭雲嚙殘月上江帶斷  
水流截險防蛟窟衝寒宿鷺洲何如牛渚夕興  
接和歌遊

楊明府羅山上元前二日招燕別署二首  
茂宰行時令清曹卜夜分交疏淡華月迥棟宿  
寒雲酒酌椒蘭氣屏開綺繡紋忽瞻鳧鳥近疑  
擁列仙羣

芳宴移華館輕陰歛夕氛階萸開冒雪庭木上  
千雲列炬驚春艷徵歌達曙聞武城絃誦里今

日在江濱

和皇司勳以范太卿先與余有約不赴其

招以詩見寄

憶過高士里遙逐野人航問客來何處懷人思  
與長音傳霜外鴈香泛菊前觴千里聲元和吳  
歛况一鄉

送李文仲造豫章因懷徐使君

芳春催物候遊子意何如彭蠡鴻初動章臺柳  
正踈離心江上月行李篋中書遙想依劉處停

雲目漱予

范太卿園晚宴集和王觀察韻二首

爲訪名園勝因過柳市南山光片霞結樹影一  
池涵樂意魚相入歌聲鳥解參坐深歸騎晚華  
月吐層嵐

登廡園閣

何處堪招隱青門路向東開園方鄭圃留客醉  
山公迥閣松蘿加遙峰睥睨通憑高淸嘯發裊  
裊薄雲空

仲秋日陸宗伯招同陳太史盛吏部燕集

龍潭佛閣二首

仙侶聯駮出禪扉接席懽峰紋看欲染秋色攬  
宜餐虎踞藏經閣龍叅演法壇群誼坐來息清  
磬發林端

叩寂行將遍凭高景倍幽雲將潭影瀉風雜梵  
音流處處飛泉壑山山落木秋爲心會不住到  
此獨淹留

送郡理范岫雲擢南比部

數載見心期能無重別離  
愁縈芳草路夢繞白雲  
司漢吏驚田叔吳都待  
左思連城方在握應不  
廢明時

宦轍偶夷猶無然感滯留  
青山畫裏署明月鏡中  
秋恩並棠陰永言慙玉  
案酬書郵應不遠時可  
訊滄洲

范太卿携榼要予及馮山人泛舟郊外訪

顧氏兄弟兩園迺掉和韻紀遊四首

有客期招隱行嗟入小山  
丹霞深茵閣白石偃


松關岸接飛梁度臺緣曲  
榭攀誰與工點綴着此  
九峰間

不惜管高竈為園百畝區  
開雲通別徑激水瀉重  
湖石几彈琴用源花對  
酒須自今看竹與應問  
主人無

別構煙霞外相輝棣萼間  
偶窮新磴道忽轉舊溪  
山幽礧蘭仍馥崇阿柱  
可攀絕憐躋迥閣孤峭  
俯人寰

興罷蘭橈發遙林日已晡  
憶歸始寧墅載得輞

川圖帶月飛鳥雀隨風偃荻蘆漁郎相問姓欲  
道已忘吾



工香



